

## Club da tennis Trun

Protocol dalla radunonza generala  
dils 9 da mars 2018 allas 19.30 el Tschut



### Gliesta da tractandas

1. Beinvegni ed appel
2. Elecziun da dus dumbravuschs
3. Protocol dalla radunonza generala dils 10-03-2017 (**publicaus sin [www.ct-trun.ch](http://www.ct-trun.ch)**)
4. Rapports annuals
  - a) president
  - b) meinagiug
  - c) cau da juniors
5. Rendaquen
  - a) quen annual
  - b) rapport dils revisurs ed approbaziun dil quen
6. Elecziuns
  - a) actuar/a
  - b) cassier/a
  - c) revisur/a
7. Mutaziuns
  - a) entradas
  - b) extradadas
8. Fixaziuns dallas contribuziuns
  - a) annualas
  - b) affitaziuns dils plazs
9. Revisiun dallas statutas
10. Damondas da pagar anavos quotas da fatschenta
11. Damonda per in credit per remplazzar il cundrez da sprizzar sil plaz 1
12. Program/termins 2017
13. Varia

Adatg: Tgi che drova buca pli la licenza uonn, duei far aschi bien ed annunziar quei immediat a Silvio Albin (076 435 14 42) Autr'uisa stuein nus tarmetter il quen per la licenza.

Fevrer 2018

per la suprastonza  
Il president Erich Decurtins

## 1. Beinvegni ed appel

Il president Erich Decurtins fa in cordial beinvegni als commembers ed allas commembras. Per far appel han ins schau cursar ina gliesta da presenza. La gliesta da tractandas vegn approbada unanimamein.

Avon ch'entscheiver la radunonza generala seregorda il president da Sefi Nay, in dils commembers fundaturs dils Club da tennis da Trun. Il president supplichescha ils presents da sesalzar e seregurdar dil defunct duront ina minuta tgeua.

## 2. Elecziun da dus dumbravuschs

Sco dumbravuschs vegnan Lea Alig e Ramun Venzin elegi.

## 3. Protocol dalla radunonza generala dils 10-03-2017 (publicaus sin [www.ct-trun.ch](http://www.ct-trun.ch))

Il protocol dalla davosa radunonza generala ei vegnius publicaus sin nossa pagina d'internet. Aschia ha mintgin giu la pusseivladad da leger quel. Demai ch'ei dat neginas damondas e neginas objecziuns per amplificaziuns vegn il protocol approbaus unanimamein. Il president engrazia all'actuara.

## 4. Rapports annuals president

La suprastonza ei seradunada 6 gadas igl onn vargau. Gia in'jamna suenter la radunonza generala vein nus menau atras il lotto, il qual ei puspei staus in success. In grond engraziament al Team ch'organisescha il lotto.

Las activitads sportivas dil club han entschiet cun il camp el Tessin. Ils plaz vein nus saviu preparar, sco era ils davos onns, gia baul igl avrel. L'aura ei lu denton stada empau brutta e bletscha aschia che nus vein stuiu spitgar ina jamna, avon che vein saviu dar liber ils plaz per giugar. Duront il di da lavur cumina vid ils plaz essan nus era vegni da renovar la scala che meina naven dil plaz 1 sin terrassa avon la casa dil club. Medemamein vein nus era remplazzau ils bauns cun novas aissas e colurau ellas cun ina colur pli frestga. Era la scarpa davon la terrassa vein nus saviu engarschar, schia ch'ella ei ussa en in bien stan.

Il cundrez da sprizzar sin plaz 1 ha era uonn buca funcziunau sco giavischau e buca cuntentau nus, ord quei motiv fa la suprastonza la proposta da remplazzar quei cundrez.

Sper igl interclub e differents turniers usitai, vein nus era uonn puspei priu part al Cup Grischun dils Clubs cun Karin Demont, Ricarda Tuor, Gion Petschen ed Erich Decurtins. Uonn essan denton gia curdai ora el ¼ final. Jeu quettel che quei Cup dils Clubs seigi ina buna caussa, nua ch' ins vegn era da tgirar buns contacts.

Duront la stad vein nus puspei menau atras las seras dil club. Igl ei donn che quella sera vegn buca frequentada meglier. Ins sa dar tennis quella sera cun auters partenaris che usitau e star empau da cumpignia. Quei dess tenor miu manegiar in bien spért da cumminonza pil club.

Dallas finzas vein nus giu bien quitau. Grazia al lotto, mo era al sustegn dil cantun per menar atras turniers, savein nus presentar in bien quen. Per che quei stetti vinavon aschia, eis ei era impurtont che nus fetschien part da nos turniers, sappien aschia menar atras els vinavon ed aschia era profitar da quei sustegn finanziel.

In grond engraziament less jeu era admetter al team dil lotto 2018: la Melanie Albin, la Carmen Bearth-Albin, la Karin Demont, il Silvio Albin ed igl Erich Decurtins, cun quei che quei ei in'impurtonta entrada per nies club.

Per finir engraziel jeu a mes consuprastonts per la buna colaboraziun che vein giu, sco era a nos sponsurs dil lotto, allas fatschentas che han ina reclama giu sil plaz, all'Erna, che ha bien quitau da nossa casa dil club, al Leandro per il manteniment dils plaz e dil contuorn, sco era allas equipas dad interclub ed a tut quels che han segidau sin ina moda ni l'otra duront igl onn vargau.

## **meinagiug**

### **Sesiun d'interclub**

Cun la sesida dallas equipas d'interclub dils 26 da mars 2017 ella Pizzeria Centro a Trun ei vegniu dau il siet da partenza per la sesiun ufficiala da tennis. Las preparaziuns dallas diversas equipas dallas damas e dils umens sin la sesiun nova ein stadas zun differentas. Propi entschiet las activitads sportivas ei bein stau cun il camp da tennis tradiziunal dils 31 da mars entochen ils 2 d'avrel 2017 a Locarno. Tgi ha trenau 2 ed auters 3 dis sut cundiziuns excellentas. Sco usiutau ei l'organisaziun da quei camp stada sut la direcziun da nossa commembra Manuela Decurtins. Sco adina ha ella fatg quei sin moda perfetga e zun suverana. In grond compliment ed engraziament per quella grondiusa lavur. Igl ei nuota sempel d'organisar aschia in eveniment cun tonts/as individualists/as che dian: jeu vegnel, jeu vegnel bu, bein sai tuttina vegnir eav. En scadin cass eisi stau in camp cun ina fetg buna atmosfera ella grupp e cun intensivs trenaments aschia che tuts e tuttas han saviu profitar.

La sesiun d'interclub 2017 ha entschiet gia il davos d'avrel cun las empremas partidas.

### **Damas 1. ligia**

Las damas che giogan ella emprema ligia han ord different motifs giu empau breigias ed ein mo grazia haver gudignau in set dapli mitschadas dalla relegaziun.

### **Resultats**

-	<i>Burgmoos Richterswill</i>	-	<i>Trun</i>	<i>1:5</i>
-	<i>Trun</i>	-	<i>Oberrieden</i>	<i>2:4</i>
-	<i>Trun</i>	-	<i>Waldmann</i>	<i>2:4</i>

**Rangaziun:** 1. Waldmann 12/26-13, 2. Oberrieden 12/26-16, 3. Trun 09/18-20, 4. Burgmoos Richterswil 03/09-30

**Relegaziun:** Panaduz –Trun 3 : 3 (Trun resta en emprema ligia)

## Damas 30+ 2. ligia

Pli gronda furora ha l'equipa formada daniev per la secunda ligia dallas damas 30+ fatg. Cun in secund rang ella gruppa han ei schizun dau per la promoziun. Suenter haver gudignau igl empren giug a casa suveranamein encunter s.Gagl cun 5:1 spiardan ellas il secund giug a Wiesendangen e restan aschia ella secunda ligia.

### Resultats

-	Trun	-	Domat <sup>1997</sup> <sub>ISEP</sub>	3:3
-	Schaan	-	Trun	3:3
-	Zebras	-	Trun	1:5

**Rangaziun:** 1. Schaan 14/29 -09, 2. Trun 11/23-16, 3. Domat 9/20-22, 4. Zebras 2/07-32

**Promoziun:** Trun - S. Gagl 5 : 1, Wiesendangen - Trun 4 : 2 (Trun resta en secunda ligia)

## Damas 30+ 3. ligia

Pli fetg da sbatter ha denton medemamein la squadra formada daniev dallas senioras ella tiarza ligia giu. Aber quei ei bein stau da spitgar suenter ch'ellas han stuiu dar giu las giugaduras giuvnas alla equipa da secunda ligia.

### Resultats

-	Trun	-	Savognin	1:5
-	Panadut	-	Trun	6:0
-	Triesen	-	Trun	6:0
-	Trun	-	Schaan	3:3

**Rangaziun:** 1. Triesen 22/45-11, 2. Panaduz 18/39-15, 3. Savognin 11/26-28, 4. Schaan 05/12-38, 5. Trun 04/12-42

## Umens 2. ligia

Decimai bravamein entras blessuras ed auters motivs ha l'equipa stuiu prender encunter ton els giugs da gruppa sco era els giug dalla relegaziun 5 terradas. Aschia ei la relegaziun en tiarza ligia stada logica. Tontaton dat ei segns positivs dalla giuvna equipa e cun sustegn d'in per rutinai duess il pass en secunda ligia puspei esser pusseivels.

## Resultats

-	Trun	-	Domat <sup>[L]</sup> <sub>[SEP]</sub>	1:8
-	Untervaz	-	Trun	6:3
-	Corviglia	-	Trun	9:0

**Rangaziun:** 1. Corviglia 25/51-06, 2. Domat 14/29-30, 3. Untervaz 11/25-34, 4. Trun 04/11-46

## Relegaziun

-	Trun	-	Gossau SG	2 : 7 <sup>[L]</sup> <sub>[SEP]</sub>
-	Eschlikon ligia) <sup>[L]</sup> <sub>[SEP]</sub>	-	Trun	6 : 3 (Trun croda en tiarza

## 45+ Umens 2. ligia <sup>[L]</sup><sub>[SEP]</sub>

Perschuadentamein gudognan ils seniors il campinadi ella grappa cun spiarder sulettamein igl emprem giug ordlunder encunter Pizol. Surprendenta ei bein stada la victoria cun 6:1 encunter Danis – Tavanasa. Il giug da promoziun a casa encunter Zezras spiarda denton la squadra da seniors cun 3:4 aschia ch'il siemi d'ina promoziun en emprema ligia ei staus finius. <sup>[L]</sup><sub>[SEP]</sub>

## Resultats

-	Pizol	-	Trun <sup>[L]</sup> <sub>[SEP]</sub>	4:3
-	Trun	-	Panaduz	5:2 <sup>[L]</sup> <sub>[SEP]</sub>
-	Trun	-	Danis/Tavanasa <sup>[L]</sup> <sub>[SEP]</sub>	6:1

**Rangaziun:** 1. Trun 14/30-16, 2. Pizol 11/26-24, 3. Panaduz 09/18-31, 4. Danis/Tavanasa 08/23-26

**Promoziun:** Trun – Zezras 3 : 4 (Trun resta en secunda ligia)

## Tuts rapports dils giugs silla pagina d'internet

Per l'emprema gada han ils capitans fatg in rapport da mintga giug da lur equipa e mes quel online silla pagina d'internet dil Club da tennis Trun. Ei fuss interessant da far ina evaluaziun contas persunas che han legiu quei. Bien engraziament a Simon Decurtins per actualisar mintgamai nossa pagina.

## Turniers<sup>[L]</sup><sub>[SEP]</sub>

**Turnier da divertiment dils 25 da matg (Anceinza) 2017<sup>[L]</sup><sub>[SEP]</sub>** La sesiun dils turniers ha entschiet cun l'occurrenza da divertiment dils 25 da matg. Il турниr ei vegnius giugaus en fuorma da dubel cun 14 equipas, partidas si en 2 gruppas. La participaziun ed il star da cumpigia ei stau per biars pli impurtont che la vart sportiva. Tuttina eisi lu aunc vegniu dau tennis. Ils victurs dil турниr ein Sereina Decurtins/Andrin Petschen che gudognan il final encunter Gaby Demont/Gion Petschen. L'ustria ei vegnida organisada dalla equipa dallas femnas dalla 1. ligia e quei sco adina per cumpleina cuntentientscha dallas participontas ed dils participonts. Engraziel fetg. **Rangaziun:** 1. Sereina Decurtins/Andrin Petschen, 2. Gaby Demont/Gion Petschen, 3. Tamara Derungs/Simon Lechmann, 4. Carla Nay/Curdin Tuor

## Cup Crestas dils 7 – 9 da fenadur 2017

Cun mintgamai 12 annunzias ellas categorias umens R5 – R9, umens R7 – R9 ed 8 annunzias tier la categoria dubel/mix R1 – R9, ei la participaziun stada cuntenteivla. Il турниr ei vegnius realisau ella emprema fasa en fuorma da gruppa. Aschia che mintga giugadur e mintga equipa ha silmeins saviu dar duas partidas. La schliat'aura duront il турниr ei stada la cuolpa ch'ins ha buca saviu dar ils giugs finals ellas categorias R5 – R9 e tiel dubel/mix la dumengia. Pervia d'absenzas da plirs finalists muort vancanzas han ins stuiu dessister la finfinala da dar quels dus giugs pli tard. Sulettamein tier la categoria R7 – R9 hans ins dau il final. Leu ha Urs Pfister, che haveva en maniera da Roger Federer dau giu negins sets els giugs da gruppa ed el miez final, spiars il final cun 6:3/6:2 encunter il giuven Cedric Zanin da Mustér. La participaziun da plirs giugadurs giuvens ord la regiun ei stada zun legreibla. Per la gastronomia ha l'equipa dils giuvens procurau. Ad els bien engraziament persuenter.

**Resultats miez finals R5 – R9:** Oliver Kumar – Spend Ramani 6:2/7:5; Marc Raguth Tscharner – Simon Lechmann 6:1/7:5. Il final ei sco menziunau buca vegnius daus.<sup>[L]</sup><sub>[SEP]</sub> **Resultats miez finals dubel/mix R1/R9:** Oliver Kumar/Paula Nay – Aurelia e Gion Petschen, “wo” muort blessura, Danilo Arpagaus/Sereina Decurtins – Erich Decurtins/Karin Demont 6:3/6:1. Il final ei medemamein vegnius strihaus muort l'aura. **Final R7 – R9:** Cedric Zanin - Urs Pfister 6:3/6:2

## Cup Punteglias dils 19 – 20 d'uost 2017

Ord differentes motifs ch'eveniments concurrenzavan il termin usitau han ins preferiu da far il Cup Punteglias pli baul che usitau. Tuttina ha ei dau collisiuns cun auters turniers. Aschia ei la participaziun stada zun magra ed ins ha strihau 2 categorias muort munconza d'annunzias. E tuttina ein ils tableaux dallas ulteriuras categorias buca stai surcargai. Aschia ha il турниr giu liug en ina atmosfera simpatica e famigliara. Per il beinstar corporal ha la squadra da seniors procurau. Buna accoglientscha ha naturalmein la sera da barsar stalgias da carn sin lenns liungs sur il fiug cun il Beni anflau (il plaid “barsar zagrenders” astgan ins pari ord motifs da discriminaziun da minoritads buca druvar pli! Ord quels motifs astgan ils da Cuera era buca pli risdar sgnoccas sur dils “Oberländer”).

## Categoria umens singul 55 plus R 5 – R 9

Il dominatur da quella occurrenza ei stau il hosp Tessines Luca Billeter, che ha gudignau tut ses giugs sin moda suverana. Sil secund plaz sesanfla cun nies president Erich Decurtins in dils favorits da quei

tableau. El giug decisiv ha el denton stui suttametter a Billeter cun 1:6/2:6.<sup>[L]</sup><sup>[SEP]</sup>**Rangaziun:** 1. Luca Billeter, 2. Erich Decurtins, 3. Danilo Bellari Bressanelli, 4. Ramun Venzin

### **Categoria umens singul R7 – R9**

Ella grupp 1 gudogna il favorit Christian Janki da Vuorz ses giugs sin moda suverana e frunta aschia el final sin nies senior Urs Pfister, che ha victorisau ella grupp 2. Era il final dominescha Christian Janki e gudogna meritadamein cun 6:3/6:1. Il giug pil 3 e 4 plaz denter Luis Caduff e Daniel Maissen gudogna Luis cun 3:6/7:5/11:9. Empau in unicum ei che Luis ha ton els giugs da grupp sco era pil tierz e quart plaz mintgamai gudignau en treis sets. In mussament ch'el dispona sur d'ina buna cundiziun.  
**Rangaziun:** 1. Christian Janki, 2. Urs Pfister, 3. Luis Caduff, 4. Daniel Maissen

### **Categoria damas R4 – R9**

En quella grupp ei stau en emprema lingia in cumbat denter las generaziuns e lu enteifer la famiglia Derungs, nua che las soras schumellinas Tamara e Milena han fatg ora la victoria denter ellas. Il giug decisiv gudogna la finfinala Tamara encunter Milena cun 6:4/2:6/10:6.<sup>[L]</sup><sup>[SEP]</sup>**Rangaziun:** 1. Tamara Derungs, 2. Milena Derungs, 3. Erna Nay

### **Turnier dil club “Cornèrcard Club Champion Tropy dils 26 – 27 d’uost 2017**

Cun 13 annunzias tiels umens e 12 tier las damas ei la participaziun stada meglia ch'igl onn precedent e cuntenteivla. Igl ei denton da deplorar che nus havein strusch pli commembers e commembras che fan part dil турниr che dattan buca interclub. Pli baul era quei auter – aber gliez era aunc bia autras caussas. Demai che buca mo profis separticipavan era duront ils dis da турниr cunzun l'ustria frequentada fetg bein dils amatur. Ton tier ils umens sco era tier las damas ei vegniu giugau mintgamai en 4 gruppas. Las victuras ed ils victurs dallas gruppas han dau ils tableuas finals. Ina gronda sorpresa ha ei bein dau ella grupp 1 dils umens nua che Luis Caduff batta il grond favorit Arthur Cantieni e fa schia igl emprem plaz. El miez final sto el denton suttametter al giuven Yanick Pally che batta el final il senior Erich Decurtins e gudogna per l'emprema gada il турниr dil club. Yanick ei commember dil Club da tennis Mustér e gioga cun la squadra da nos giuven. Cordiala gratulaziun al giuven medellin.

Tier las femnas dat ei el miez final in cumbat denter las giuvnas Derungs e las giugaduras versadas dalla squadra d'emprema ligia. Lezzas gudognan ils miezs finals. El final batta la “frestg maridada” Carla Flury-Nay la Sereina Decurtins cun 6:3/6:4 e daventa aschia per l'emprema gada sut il niev num campionesa dil club. Cordiala gratulaziun. Il турниr ei vegnius organisaus da nies commember Venanzi Nay. Ad el ed allas squadras dallas dammas da secunda e tierza ligia che han procurau per ina gastronomia fetg varionta in bien engraziament.

**Resultats: Miez final umens:** Pally Yanick – Caduff Luis 4:6/6:3/10:7, Decurtins Erich – Petschen Gion 6:/6:3. **Final:** Pally Yannick – Decurtins Erich 6:0/6:4.<sup>[L]</sup><sup>[SEP]</sup>**Resultats: Miez final damas:** Flury-Nay Carla – Derungs Tamara 6:2/6:1, Decurtins Sereina – Derungs Milena 6:1/6:0. **Final:** Flury-Nay Carla – Decurtins Sereina 6:3/6:4

## **Gliesta da rangaziun singul e dubel 2017**

Sis giugadurs ed ina giugadura (bravo Gaby) han fatg part dalla gliesta da rangaziun da singul e sis dalla gliesta da rangaziun dubel. Sin quella gliesta havess ei aunc plaz detgavunda per ulteriurs giugadurs e giugaduras. Ei croda en egl ch'igl ei mo seniors ed senioras che prendan part. **Rangaziun singul:** 1. Erich Decurtins, 2. Gion Petschen, 3. Luis Caduff, 4. Daniel Maissen, 5. Silvio Albin, 6. Ramun Venzin, 7. Gaby Demont **Rangaziun dubel:** 1. Aurelia/Gion Petschen, 2. Karin Demont/Erich Decurtins. Gaby Demont/Luis Caduff, 4. Silvio Albin/Ramun Venzin, 5. Luisina Casanova/Vica Maissen, 6. Erna/Venanzi Nay

## **Seras dil club**

Nus havein fatg ina emprova la sesiun vargada cun far differentas innovaziuns. Aschia metter il termin per la sera dil club sin la gievgia e far mintga 15 dis ina sera da grill. La sera da ventschidas il settember ei vegniu fatg raclette. Mintga squadra d'interclub ei stada responsabla d'organisar duas seras dil club. Quei ha funcziunau tiptop ed ad ellas in grond engraziament. Mo co ei il resultat da quella purschida nova staus? Plitost in pign fiasco. Bien, l'aura ei buca gest adina stada ideala. Mo tuttina ina participaziun zun mediocra. Negin entusiassem per quella purschida e mo minim interess. Also tgei far el futur? Il meglier ei bein da turnar anavos tier il sistem vegl che dat buca tonta lavur.

## **Remarcas**

Per mei eisi stau l'emprema sesiun sco meinagiug, meinaturniers e responsabels pigl interclub. Naturalmein ha ei dau pli biara lavur che quei ch'ei havevan giu detg a mi avon ch'jeu surprandi il post. Aber quei sans gie ch'igl ei pil bia aschia. Quei ch'ei duront la sesiun curdau si a mi ei ch'ei regia enteifer las equipas d'interclub ina buna atmosfera. Jeu constateschel denton en general tier nos commembers e nossas commembras ina munconza d'interess per occasiuns ed eveniments da nies club. Ei manuca empau in spert da cuminonza sco quei ch'jeu sundel endislaus tier autras uniuns d'equipa. Jeu deploraschel ch'igl ei sper las equipas d'interclub mo paucs commembers e commembras che fan part dallas differentas occurrenzas e purschidas. Seigi quei activamein ni cun vegnir mintgaton sperasvi d'in turnier e beiber in sitg. Quei fagess veramein plascher!

## **Engraziament**

En emprema lingia engraziel jeu a quels che han segidai cun mei en miu emprendissadi sco meinagiug: Erich Decurtins, Luis Caduff e Venanzi Nay. Lu als collegas ed allas collegas dalla suprastonza per il grond engaschi: Erich Decurtins, president, Tamara Albin, cassiera, Carla Flury-Nay, actua e Simon Decurtins, cau dils juniors. A tuts capitans, als menaders e las menadras da cuors. Engraziar lessel al cauplaz Leandro Petschen ed a Erna Nay ch'ei responsabla per la casa dil club. Las localitads da quei baghetg ein suenter ils giugs e turniers veramein mintgamai schubergiadadas perfetgamein e tut quei ch'ei vegniu duvrau ei remplazzau.



## cau da juniors

### Rapport annual dil cau dils juniors

All'entschatta dalla sesiun da tennis 2017 hai jeu surpriu il post dal cau dils juniors. La Carla Flury-Nay ha surdau fetg bein quei post a mi ed muossau a mi sco tut funcziunescha. Entschiet ha la sesiun 2017 cun l'organisaziun dils trenaments dils juniors e las junioras.

### Trenament

Entschatta avrel ein ils taluns d'annunzia vegni reparti el consorzi da scola Trun/Sumvitg sco era scret ora el Fegl official. Nus vein retschiert totalmein 37 annunzias, 9 kids e 28 juniors e junioras.

Fin avrel han ils trenaments entschiet. Ils kids ein vegni trenai da Tajana Pfister en duas gruppas la mesjamna suentermiezdi. Suenter siat trenaments han ils affons dau in turnier da finiziun. Els han saviu muossar lur progress e han giu grond plascher dils numerus aspectauturs e dils premis ch'els han retschiert. Avon cuort ha Tajana stuiu dar giu siu posts da trenadra, quei pervia dalla scola. Quei post sorprendan la Dania Petschen e la Natascha Wolf. La responsabladad sorprendan las mummas dad ellas duas, Corina Petschen e Rita Wolf.

Ils juniors e las junioras dad 11-18 onns ein vegni trenai dad Nic Dermon, Karin Demont e da mei. Erich Decurtins ha era segidau inqual ga. Cun 28 annunzias havein nus puspei saviu far 5 gruppas da trenament. Il Nic ed ila Karin han trenau il gliendisdis, jeu hai trenau il venderdis. Per terminar la sesiun da tennis havein nus organisau in turnier da finiziun fin settember. La partizapiziun ei denton buca stada aschi gronda sco ils davos onns, mo 9 juniors/as han priu part a quei turnier. Ils affons han dau tennis e differents giugs. Per mintgin ha ei dau enzatgei da gudignar. Da miezdi ei vegniu grillau e magliau pommes frites – engraziel fetg alla Beni dil Tschut pils pommes!

Engraziar less jeu era alla Tajana, alla Karin, al Nic ed agl Erich per lur super lavur e lur grond engaschi a favur da nos juniors. Senza vus fuss tut quei buca stau pusseivel.

### Interclub da juniors/as

Uonn havein nus saviu annunziar 4 gruppas pigl interclub da juniors.<sup>[1]</sup> Ina grappa da buobas han dau ella Liga A ella categoria U18.<sup>[2]</sup> Quei ein las schumellinas Tamara e Milena Derungs ensemen cun Anna Manetsch. Ellas han giu finiu igl interclub suenter la runda da grappa. Ellas han fatg secundas en lur grappa e spiars 3:0 encunter il capo grappa da Cuera. Denton ein quels giugs stai fetg ulivs e vessan saviu ir ora auter.

Tschella grappa da buobas han dau ella Ligia B ella categoria U15. Quei ein Dania Petschen e Paula Maissen.<sup>[3]</sup> Ellas han spiars mo ina partida ed aschia gudignau lur grappa.

### Rangliste

		<b>Pt</b>	<b>Sätze</b>
1	<u>Chur</u>	9	18-2
2	<u>Trun</u>	6	14-6
3	<u>Falkensteig SG</u>	2	4-14
4	<u>Flawil 2</u>	1	2-16

### Rangliste

		<b>Pt</b>	<b>Sätze</b>
1	<u>Trun</u>	8	16-3
2	<u>Chur</u>	6	12-6
3	<u>Zizers 2</u>	4	8-10
4	<u>Klosters</u>	0	1-18

Era ils giuvens han uonn puspei dau interclub da juniors. Els han puspei dau ella Ligia B, la ligia d'entscheviders nua che giugadurs da R7-R9 astgan giugar ch'ei all'entschatta da lur carriera da tennis. Auter che tier la liga A ein ils giugs fini suenter las partidas da gruppa, ei dat pia buca las rundas da ko.

Omisduas equipas han dau ella categoria U18. Quei ein Ramon Orlik e Yannic Duff ed en l'autra equipa han Urs Eicher e Levin Cajacob dau.

Ramon e Yannic han mo spiars ina partida ed aschia gudignau lur gruppa. Urs e Levin han mo gudignau ina partida e fatg ils davos en lur gruppa.

A tuts juniors ed a tuttas junioras che han fatg part agl interclub da juniors ina cordiala gratulaziun per las prestaziuns.

### Rangliste

		<b>Pt</b>	<b>Sätze</b>
1	<u>Trun 1</u>	5	10-2
2	<u>Davos 2</u>	4	8-4
3	<u>Sils/Segl</u>	0	0-12

## Rangliste

		<b>Pt</b>	<b>Sätze</b>
1	<u>Davos 1</u>	9	18-1
2	<u>Landquart</u>	6	13-6
3	<u>Bonaduz</u>	2	4-14
4	<u>Trun 2</u>	1	2-16

### Cader regional

Era uonn ha il Nic Dermont menau atras il cader regional a Mustér, nua ch'el trenescha mintgamai la mesjamna giuvenils dalla regiun durant igl unviern. Uonn separticipeschan 4 giuvenils da nies club al cader. Quels ein: Dania Petschen, Paula Maissen, Natascha Wolf e Noel Duff.

Quels cuors vegnan susteni dil club cun 50.- fr. per giugadur/a.

### Camp da tennis

Il tennis-camp Surselva vegn menaus atras durant la stad en 3 loghens ella regiun Surselva. Igl onn 2017 ei quei stau a Mustér, Trun e Glion. Giugadurs entscheviders ni pli avanzai ord l'entira regiun san separticipar al camp. Miez fenadur ha il camp giu liug a Trun. Nus vein giu 8 annunzias. Ils affons ein vegni trenai dalla Luana Rageth da Domat. La responsabladad ha Roger Lang giu. Era uonn vegn il camp puspei ad haver liug cun Roger Lang, quei era ina ga a Trun.

### Program per la proxima sesiun

Per la sesiun 2018 ein ils trenaments da juniors/as puspei previ sco tochen dacheu. Entginas gruppas vegnan era a separticipar agl interclub da juniors.

Per mei eis ei stau la davosa sesiun ch'els han trenau nos juniors. Suentar biars onns hai jeu decidiu da terminar cun lur lavur da trenader muort munconza da temps. Niev vegn Giusep Cagienard a sorprendere ina part dils trenaments.

Tuttina essan nus alla tscherca da trenaders, cunzun per ils juniors. Igl ei fetg impurtont d'anflar persunas ch'ei promptas da trenar nos pigns e giuvens ch'ei il futur dil club. Jeu selegrel da mintgin che s'annunzia tier mei sch'el ha intress da daventar trenader.

## **5. Rendaquen quen annual**

Nossa cassiera Tamara sa ord motivs da sanadad buca esser presenta questa sera. En siu stagner presenta Silvio Albin il quen e la bilanza dalla sesiun 2017. Cun in total d'entradas da frs. 42'854.25 ed in total d'expensas da frs. 33'433.61 siara il quen annual cun in gudogn da frs. 9'420.64.

Il president engrazia alla cassiera per la fetg buna lavur prestada.

### **rapport dils revisurs ed approvaziun dil quen**

En num dils revisurs plaida Carmen Demont. Ella sa comunicar ch'il quen ei vegnius menaus schuber e bein e che tuts mussaments necessaris ein avon maun. Ella engrazia a Tamara Albin per la buna lavur prestada. Medemamein engrazia ella a tut ils commembers e tuttas commembras che segidan dil lotto. Quei ei in fetg impurtont post pil quen. Essend ch'ei dat neginas objecziuns enviars il quen annual fa ella la proposta d'approvaziun. Il quen vegn approbaus unanimamein.

Gion Petschen fa la remarca ch'il quen seigi tratgs ensemen memia fetg. Pli bia sutcontos fussen giavischai.

## **6. Elecziuns actuar/a**

Carla Flury-Nay leva abdicar siu posts sco actuara. Damai che la suprastonza ha anflau negin successur, eis ella sedeclarada prompta da cuntinuar cun sia lavur per in onn. Carla vegn reelegida unanimamein.

### **cassier/a**

Tamara Albin ha abdicau sco cassiera. La suprastonza fa la proposta d'eleger Simona Demont sco successura. Simona vegn elegida cun in grond applaus.

### **revisur/a**

Carmen Demont vegn en roda d'elecziun. Cunquei che sia sora Simona ei vegnida elegida niev en suprastonza fa la suprastonza la damonda alla radunonza schebein els seigien cuntents sch'ina sora seigi cassiera e l'autra revisura. Cunquei che Simona ha pér paucs dis avon radunonza dau tier sco cassiera ha la suprastonza buca giu caschun d'encurir en quei temps in'auter revisur.

Silvio fa la proposta d'eleger Carmen mo per in onn. Ils commemebers e las commembras elegian unanimamein Carmen Demont per in ulteriur onn sco revisura da quen.

## **7. Mutaziuns entradas**

Las suandontas persunas han tschentau la damonda d'entrar en nies club:

Juniors/Junioras:	-
Carschi	- Lucas Tuor - Aldo Peng, - Simona Demont

Las persunas numnadas vegnan pridas si el club unanimamein.

## **extradas**

Las suandontas persunas extreschan da nies club:

Juniors/Junioras	- Enea Decurtins - Mauro Galluzzo
Carschi:	- Annette e Pieder Decurtins - Marionna Isering - Arthur Cantieni - Peter Leder - Christian Maissen - Erica Maissen-Senn

## **8. Fixaziuns dallas contribuziuns annualas**

La contribuziun annuala resta sco dacheu.

## **affitaziuns dils plazs**

Era cheu dat ei neginas midads uonn.

## **9. Revisiun dallas statutas**

Erich Decurtins presenta la proposta da revisiun dallas statutas. Suentar la presentaziun dat el liber la discussiun.

Gion Petschen fa ina cunterproposta tier igl artechel 16: Ella suprastonza san mo commembers vegni elegi. El ei dil meini da buca strihar quel ord las statutas, la suprastonza veva proponiu da strihar quei artechel. Ei vegn votau giu: 2 vuschs ein per la proposta da Gion, las ulteriuras 16 ein per la proposta dalla suprastonza.

Cunquei ch'ei dat buca ulteriuras cunterpropostas votescha la radunonza generala davart la revisiun dallas statutas. Las statutas vegnan approbadas cun 17 encunter 1 vusch.

## **10. Damondas da pagar anavos quotas da fatschenta**

Sco mintg'onn vegn era uonn pagau anavos las quotas da fatschenta. Ils nums da Marcus Mazzetta e Theofil Sacci vegnan tratgs ord la capiala. La cassiera vegn incaricada da liquidar quella causa.

## **11. Damonda per in credit per remplazzar il cundrez da sprizzar sil plaz 1**

Sco gia menziunau el rapport dil president, ha il cundrez da sprizzar il plaz 1 buca funcziunau endretg ed aschia buca cuntentau. Schegie che differentas reperaturas ein vegnidas fatgas, funcziunescha il cundrez aunc adina buca. Erich ha schau offerir la Firma Josef per remplazzar il sistem da sprizzar. Quell'offerta munta in investiziun da rodund 3'000.- francs. Perquei fa la suprastanza la damonda alla radunonza generala per in credit da 3'000.-. La votaziun ei unanima e lubescha l'investiziun empau pli gronda.

## **12. Program/termins 2017**

La radunonza d'interclub ha liug ils 23.3 el Tschut. Da lezza radunonza vegnan ils termins dils turniers annunziati sco era ils termins per las rundas d'interclub.

La preperaziun dils plazz vegn ad haver liug duront l'jamna, cun quei che Pastgas ed il camp da tennis ein las fin d'jamnas avon e suenter. Cu exact dapenda dalla neiv. Ils termins vegnan publicai el Fegl official Surselva.

Tier la preperaziun dils plazz s'auda uonn era la sanaziun dalla preit da trenament, drizzar ils scalems denter plaz 1 e 2 e stabilisar la casetta dalla maschina da segar.

Igl uost meina il Club da tennis Glion atras ils Campiunadi Grischun dils activs. Nies club metta a disposiziun ils plazz e sa far l'ustria pil turnier. Il gudogn vegn partius sils dus clubs.

## **13. Varia**

Erich: Avon cuort ha la sesida dils president dalla regiun giu liug. Leu han ins discussiunau da comprar dus balluns occasiun da Locarno per cuvierer ils plazz da tennis a Glion. Ins ha elegiu ina cumissiun che secumpona ord Ueli Schulthess, Retus Cathomas e Gion Petschen. Gion informescha Erich schigleiti ch'el sa novas.

Luis: Tier il sistem da reservar vesan ins buca tgi che ha era aunc scret en dil mument ch'ins sez ha fatg ina reservaziun. Differents vessen bugen da midar quei. Silvio sclerescha giu schebein quei ei pusseivel ni buca.

Sco finiziun dalla sera engrazia il president per igl engaschi da tuts presents. El envida ils presents da star da buna cumpignia tier in pign puschegn offerius dil club.

Pil Club da tennis Trun

L'actuara

Carla Flury-Nay